

青芝山館集

青芝山館詩集卷第七

臨川樂鈞元

古今體詩

丁巳

潮州迎春詞

城外千人萬人集不知春自何門入欲雨不雨天濛濛東風
過處花枝溼兒童婦女爭買花手中各帶春還家少年喧笑
逐春去亂打春牛石如雨

立春

春至逢人日輕風薄霧天吾懷猶黯淡物態已新鮮秀草如
佳句繁花似少年潘郎三十二華髮待侵顛

題畫

曾讀真靈位業圖松風吹夢入僊都雲間一片飛龍影試問
僧繇寫出無

題墨搨東坡笠屐圖幃子

圖爲趙子固所寫勒於硯背硯長八寸八分廣五寸

五分厚一寸一分元末俞紫芝收藏明宏正間爲王文恪所得己又轉入文三橋手圖中款識印記具存康熙丁亥王虛舟購自市屠中曾作贊云云近歸怡邨余從訥齋主人借觀搨得一紙頂裝潢成幃乃題

詩此

先生頽唐非故我脫却朝衫無不可農人笠屐公假之中路
踏泥衝雨歸孳齋寫圖勒片石瓊宮歲久墨花碧搨致小齋
薰篆烟奎光下照雪色壁田間無此人中仙人疑此翁狂且
顛此是先生初服耳婦孺怪笑胡爲然吁嗟乎買日陽羨徒
虛計白鶴移居尚難遂蚤雨滿天滄海深孤臣老眼乾無淚
當時束縛由冠鞵富貴空悲春夢婆君子龍虵善藏用委心

住世隨流波負瓢到處堪行歌終身遠惡奈公何枕椰樹葉
響春雨載酒空堂在何許可憐躡屩從公遊子雲兄弟俱干
秋

潮州花燈詞

雙旌山前列鹵簿鳳皇臺畔鳴腰鼓爆竹迎將鶴馭仙香盆
擁出龍宮主朶朶銀花映日開紛紛玉燕凌風來千影萬影
徹紫府三里五里生紅埃匏笙蘆管競追逐花面鴉頭工結
束神女都騎五色鸞仙人並駕長生鹿韓江春水拖裙帶蜃
女垂髻覆眉黛綺羅消得錦年華釵鈿攢成花世界過眼流
雲掣電光人人指點分低昂旗上金牌誰弟一曲中花貌自
無雙別有豪家聯保社紗籠姓氏研朱寫纓冠年少走長蛇
葆髮嬰兒馳矮馬斜陽一落更迷離上與星月爭光輝家家

言止正節詩卷七
徹夜簾長捲處處踏春人未歸風光如此人爭羨士女歡娛
荅神眷今日街衢燈火繁去年米穀泥沙賤富兒隨意揮金
錢賈客傾囊門管絃不愁拋冷中和節但願頻書大有年

春池

春池日影漾簾櫳二月荷錢貼水紅回首昭王臺下草芳根
猶在雪霜中

春日薄暮偶步西園得句

嬾嬾紅綃攜碧玉小桃花影連疎竹蝴蝶成團飛不高溼雲
滿地無人掬芳艸池波一色綠微吟步轉西牆曲

新晴郊外走馬

揮扇川原雨乍晴水雲山霧不分明草坡綠藉牛腰穩花路
紅黏馬足輕矮屋數家懸酒旆橫烟一抹是州城東南官府

催耕早那待春林布穀聲

讀史雜詠六首

四皓歸劉盈羽翼漢宗社點檢作天子希夷墜驢下乃知遺
世翁類是有心者宰相居山中謀臣在草野金張珥漢貂名
器或虛假魯國漆室女倚柱淚盈把楊朱真忍人虛生若土
苴

小鳥不敢鳴大鳥在高際其背負青天混一鴻濛氣鵬鴆雖
健翮力盡不能至南山有時騫危石最先碎滄海蓄深流一
瀉誰能窒

桃源在域中而非秦氏土寄奴盜江南柴桑屬典午志士耻
暴君遺民存故主人心有山河割據反終古山泉不入海幽
蘭不當戶鶡鳴輕鳳皇鴟鴞何足數

閩閩爭晉長句踐入吳郭孟德窺漢鼎司馬在魏幕但知鹿
畏驅寧識鳩奪鵠世事相倚伏後患誰先覺黃雀笑螳螂身
隨金彈落

百川灌長河飽飲笑馱鼠積米成坻京所食月三朮容膝審
易安何爲自勞苦側足墊黃泉大地難布武懷璧不救身反
用速禍賈痛哉金穴人赤手印黃土

季長附梁冀伯喈就董卓云何學道人而肯妄依託身爲權
奸借氣與冰山鑠鳳皇覽德輝鴻鵠避矰繳惡木雖有陰蟲
螳紛紛落黃河長際天飲馬惡其濁富貴一朝榮身名千載
作成都賣卜叟下簾有餘樂

喜雨

曉雨垂芬絲須臾響屋瓦中夜枕上聽簷溜益傾瀉深膏沃

人心豈獨潤原野三春問土牛一日走秧馬農歌唱輕風其
辭雜俚雅匪徒造物仁以功歸使者齋居四旬餘泣拜龍祠
下此兩天忍慳此風世亦寡

余嘗以桃花爲第一花皮襲美亦云而小桃又爲桃
花之冠爲有棠杏之姿兼梅柳之韻杜陵叟目爲輕
薄過矣作桃花歌寄微慕焉

桃花井上開美人簾外來桃花開復謝美人忽已嫁天邊露
瑤闕海上開朱樓碧雲有時到相思無盡愁江南歲歲生芳
草誰信江頭鏡中老

木棉二首

晴霞千朶散長空仰面看天照眼紅大似田家操作婢濃眉
廣額門春風

海外曾傳吉貝衣，何人擘絮上鳴機。嶺南歲暮無霜霰，五月晴空白雪飛。

怡暉園觀荷花

玉京舊路煙茫茫，浣手銀河心未忘。振衣擬上太華頂，乘風忽到羅浮旁。方塘一片清涼水，不讓鏡湖三百里。橋南橋北芙蓉開，玉面紅妝鬥羅綺。湘簾晝捲生輕風，花光收入雙鏡中。妙句難傳畫難到，綠雲面面香濛濛。清露滿空明月小，珠宮夜闌無人曉。歸臥西齋六尺牀，夢爲花裏孤飛鳥。十年倦眼向誰開，蘿薜衣裳未剪裁。江妃漢女應相笑，望斷微波更不來。

近聞四首

近聞戎馬困西征，蟻穴蜂窠掃未平。幕府尚飛傳檄箭，將軍

虛築受降城黃橙洞險晨吹角紅水江深夜洗兵憑仗我師
堅壁壘莫教飛鳥過前營

飛頭鑿齒遍山阿槃瓠當年種類多豺虎縱橫憑地險猿猱
趨捷避天羅初因左道從方臘更有豪民附李波伏莽紛紛
剛不盡三苗自古費干戈

官軍新破五溪蠻

去歲有楚南之役

戍卒重防八渡灣鴉鳴亂聲浮

濁水烏鳶啄肉下深山炎天不雨金戈赤瘴野無風鐵甲殷
壯士封侯須汗馬圍中且莫賦刀環

西隆烽火接南籠千里荆榛道未通公綽書生終辦賊花卿
猛將况從戎平妖自有橫磨劍懾敵曾傳霹靂弓何日長驅
同破竹雲飛電掃向黔中

六月初四日池上寄果泉觀察時送兵往南海

池上披襟坐午涼，念君觸熱向炎荒。停天赤日當麾蓋，渡海紅雲照斧斤。挂席好因風力健，維舟宜就樹陰蒼。別時弦月今生魄，計日官程近五羊。

瘦怯休文病稍除，消閒常借鄴侯書。蕉牕綠暗尋詩處，檀几香消醒夢初。宦海知君能吏隱，客遊如我似仙居。芙蓉正好松篁茂，早晚歸來奉板輿。

和胡鶴泉秀才

樞

潮陽見寄之作

樓南一勺是滄波，之子閒吟對薜蘿。詩思纏綿因病減，書辭宛轉說愁多。筠牀黠傍屏山坐，水閣遙看舫舫過。稍待秋涼來縱酒，玉埕猶有未開荷。

聊起

花影橫牕近午天，野人高枕尚遊仙。夢中不作南柯守，贏得

得清眠已十年

酬李東田羊城寄贈之作

萍水因緣奈淺何，幾時千里一相過。
蚊虻颯颯秋風早，鱷渚瀟瀟夜雨多。
王粲樓中遊子賦，薛華筵上醉時歌。
碧天鴻雁堪來往，莫惹虞人縱網羅。

立秋日池上聽何相文孝廉南銜鼓琴作塞上鴻曲

西園欲雨天濃陰，宿鳥無聲烟樹深。
忽然空際露明月，來照高人彈素琴。
冰絃乍拂爐香動，聲與烟氣相升沈。
參差錯雜配宮徵，回薄萬古滄溟心。
少時淒清復嘹唳，乃是塞上飛鴻音。
是日井梧葉初落，不應便有南征禽。
初如肅肅起沙磧，繼若冥冥唳空碧。
霜天獨叫謀稻粱，廣野相呼避鳴鏑。
鐵馬寒嘶青海頭，明駝夜走陰山北。
心驚玉塞從征兒，淚落氍毹未

歸客曲終習習風吹衣芙蓉萬柄搖清池
眼前景物將蕭瑟愁絕江南信使稀

大埔道中

疊嶂夾雲起中涵江水深亂石走牛馬
起伏青松林氣接蓬辣灘十里聞濤音
驚飈動黃竹磔磔鳴沙禽舩影一簸蕩
頃刻天爲陰勞生亦何爲所至成嶮峭
帆旣不速難爲行客心

過長樂

舊說萑苻晝取人百年荆棘剪爲薪
官曹尚苦懷軀俗父老誰非擊壤民
沙岸紆迴舫鳥翼土山重疊斂魚鱗
朝來懶拓蓬牕看冷雨迎風細似塵

自清溪陸行至老隆作

清溪達老隆計里乃七十嶺路秋虵盤曲曲穿雲入連陰半
日晴山氣晚猶溼山下禾頭低迎風欲起立大地皆傳舍途
窮懷靡及飛鳥亦何營反比征人急

夜泛

酒罷吹長笛魚龍夜半醒疾風起深樹微月墮重溟泊岸檣
燈暗巡河戍鼓停夢多眠不得揩眼對青萍

惠州白鶴峯蘇文忠公故居

莽莽乾坤萬里秋先生住處我來遊江山盡到詩人眼雲海
曾回逐客頭富貴在君猶是夢神仙無命亦多愁青山一髮
中原遠更向儋州望惠州

初至廣州值重九約客登高不果

絕與中原殊氣候重陽不見菊花開降王尚有呼鸞道古蹟

應同戲馬臺昨夜海風吹夢到今朝秋雨送愁來江山寂寞
庭軒冷榕葉如烟墮酒杯

光孝寺

千載菩提樹三摩清淨身

寺有六祖法身及菩提樹一株

風旛時一動衣鉢

付何人門外無溪水臺前有鏡塵虞翻應不恨故宅未墟榛

六榕寺

寺有南朝塔

寺中花崗梁天監三年建

碑留北宋書

塔碑及門榜皆東坡書

苔花侵

佛座竹葉滿僧廬磬韻秋風裏爐香劫火餘老榕無一樹歸

鳥落空虛

夜坐示友人六首

惡木森高陰虺蛇蟄其腹摧燒經野火入地有餘毒枯桐斷
短琴猶奏鳳皇曲

挂壁一古劍鏽澀久未磨
燈光掣飛影爲君抗聲歌
簾外衆星落黯黯餘秋河

寒空忽有雲雨勢一何急
掩牕同寂坐衣裳故未溼
須臾華月生撫鶴當階立

秋露猶化水秋風不損樹
氣候殊未寒時節已云暮
及此衣鞋輕一縱登高步

前林有雙鳥爭鳴無定聲
非偶亦非鬥無人知尔情
蒼鶻性蕭爽真真雲際征

東人尋故鄉却逐西鳥飛
赴程日百里愈遠無還期
歧路乃應泣途窮何足悲

越秀山覽古

秦時一席偏安地山水不與中原通
三關鑊鑰五嶺障吐吞

萬里洪濤風祖龍鞭管到百粵仍以形勢資英雄東巡莫歷
嶺海氣南路乃有殺函宮浦上風雲會龍虎絳灌同列噲等
伍海上豈聞長樂鐘交州且破臬通弩請纓年少志獨壯懷
組將軍氣何武降王銜壁上樓船蠻女凝妝入漢土干戈五
代中原裂清海樓荒建雙闕水田未入安瀾門劍樹橫流赤
子血羊頭天雨忽飛來鐵墪空存鳳歷絕白虎山頭鳥噪風
素馨斜內花如雪吁嗟乎天水可見空霸才卯金豎子尤可
哀封豕長蛇尚如此蜂屯螻聚何爲哉百年禮樂銷鋒鏑萬
家烟火迷樓臺黃氣紫雲地脉斷玉山珠海天風來古仙長
嘯菖蒲澗銅狄摩挲世幾換遊人每抱燕城悲我輩來興廣
武歎羸顛劉蹶盡須臾豈獨南越與南漢沽酒且聽摸魚歌
蒼黃落日銜山半

憶舍弟沅州

聞道荊州已被圍，屯兵曉夜著戎衣。
沅湘有弟猶爲客，江漢無梁那得歸。
爭樹亂烏方四合，銜蘆旅雁莫孤飛。
平生不下窮途淚，海上看雲爲汝揮。

羊城紀遊四百五十字荅李東田

我本落魄人，山水濟飢渴。
南海富幽勝，遊興那能遏。
苦無行祕書，古事記顛末。
招攜得李侯，指點心目豁。
古觀五羊蹲，伏勢欲活傳。
是西周時仙人所騎物，
初平術亦幻，乘雲去飄忽。
忽持穗祝蒼生仁，心固難沒。
其上祀玉皇，呼吸通金闕。
紅雲落闌楯，紫電照椽橑。
崇簾懸禁鐘，不許羽毛拂。
雄伏雌反飛，下入蛟龍窟。
蒲牢此一吼，海水立騰沸。
池中大脚蹤，積水旱不竭。
是誰伸一足，踏破蒼苔蚪骨數。
事俱目前渺茫難具詰，何

况六合外神異更百出
叢峩甘泉碑斷殘猶鬱律
摩抄未忍去坐臥欲三日
李侯呼我行柳車向城闔
更謁桓侯祠劍氣森毛髮
石刻戟頭書想見虎須捋
藉非扛鼎力書生腕應脫
東隣歌舞岡悲風弔南越
駭骨埋羅籠珠簾乃高揭
地被神仙占雲旗展深樾
鮑姑坐飛花呂祖嘯明月
門外九眼井水泉特甘冽
猶飲尉陀澤交綆汲玉雪
迴身度曲磴越秀撐突兀
挽袖陟山腰杯水見溟渤
斜陽倒埵影神雅避老鶻
萬片方晚炊瓦縫烟蓬勃
信哉大都會富庶無與匹
自從東周來雄區數百粵
中原或多故么膺動草竊
炎洲天半壁長鯨尾莫掣
山斷朝元洞紫雲時復結
迴絕鎮海樓靄氣始銷歇
聖皇定八荒驕滿乃逆節
度嶺勞

王師天戈鏖餘枿生聚過
百年草木盡榮萬吾曹幅
巾來揮

扇談興滅沙蟲身幾化滄桑眼一瞥一笑復三歎狂歌不可
輟

橫樓曲

五羊城西花滿空雙虎門中潮水紅潮去水乾泥滑滑潮來
水滿波溶溶水上橫樓載花艇玻璃面面透花影翠鈿紅衫
鏡裏人彩雲香霧人中景晚秋才是乍涼天爭判黃金酬少
年一江碎錦聽簫路滿地流星賣酒船深夜沈沈罷曲宴爛
嚼檳榔醉鴉片晶枕鬢鬆墮玉釵金壺漏短催銀箭珠孃生
小慣癡嬌巧笑佯嗔倚畫橈同心得至迷香洞隔面常封聚
淚綃狂蠶浪蝶渾無主百萬金錢化塵土白扇仍招馬上郎
紅顏豈嫁江頭賈亦有青樓薄倖兒徒將路草比花枝逢人
便奏求皇曲對客全忘打鴨詩咫尺煙波不相接東風飄飄

送桃葉琵琶空訴負情儂鸚鵡寧知薄命妾良緣自淺業緣
深石上精魂無處尋墨池雪嶺須臾事楚雨巫雲頃刻心是
誰闌此繁華地越王歌舞劉王繼珠海空流腸斷聲花田猶
下傷心淚柳絮年年撲面飛夢回酒醒身無歸休沈鐵網求
烽樹願教雕籠放雪衣

桂枝詞

金粟飛香糝客巾牆頭曾拗一枝新重來瞰浦花無信愁殺
唸詩貰酒人

夢至一山因狀其景

石壁三千丈雲扃一萬層亂鴉攢落日驚狷接垂藤世路握
衣斷天梯挽索升風中有人語恍惚是孫登

偶贈二首

灼灼家原住錦城東風吹送落花輕三生記取彈箏處珠海樓船月半明

煮茗焚香約後期當筵先乞定情詩可憐誤信旁人語要待裴郎及第時

見月

萬古同心月三更潑眼明山河歸寂照身世鬱孤清露下青蘿徑雲遮白玉城舉盃邀不得忽忽起遙情

驟寒

侵曉步前除庭花有寒色始知昨夜風元冥變炎德五嶺氣最溫驟寒乃不測憶昔阻燕市十月河冰塞地力常偏私天意無南北越人多夏蟲衣服少毛革凍雀鳴前簷使我心惻

惻

題汪容川明府丈倉塢園廬圖二首

烟綠草茫茫，新開十畝莊。田園煩鶴守，池館借山藏。處士梅
花古，先生柳樹長。幽岩石如屋，留作貯書倉。

聞道河陽宰，片雲心事閒。尋盟思綠壑，積俸買青山。橋已江
陵種，珠曾合浦還。曾尹抽簪猶未可，且隱畫圖間。

果泉觀察以所蓄琴硯易僕蒲桃硯而益以一劍並
許一琴爲贈所獲過望自訟其貪戲以詩解嘲焉

韓幹馬易仇池石，如以隋珠敵趙璧，不可得兼從所好。吾曹
雅尚豈成癖，昨來偶得蒲桃硯。石紋兩道橫金線，燈下摩挲
光照人胡侯見之怪，且羨君有藏硯古琴式。亦是羶羊紫雲
片，對此乃抱邢尹羞。欲避重簾不相見，由來寶器無虛設。仍
以能用論優劣，張伯英筆左伯紙得仲將手。始竒絕信此琳

腴當屬君破怪高愛豈得說會看濃雲起膚寸飛出蛟龍互
蟠結小閣凝香開碧紗壁間琴劍生光華七條寒水映落霞
三尺秋水明霜花君乃指點向我誇忽然持贈旁人譁以硯
易硯報則稱益此二物寧非奢我語旁人且勿妬取或傷廉
與非誤願攜此劍尋越女星鐔鱗缺當空舞橫飛碧海斬長
鯨爲人報仇雪冤苦願抱此琴訪成連乘風同刺蓬萊船撫
絃動操衆山響鸞鳳啾啾來九天

博羅道中望羅浮

是山是雲渾不辨空濛一氣隨蓬轉日影紅翻南海波嵐光
青到博羅縣我聞此山三千六百丈五嶺俯首如侯甸如何
朱鳥位炎方不與南岳爭封禪巨鎮未列山海經洞天特著
神仙傳競傳有約不能到豈料無心得相見異雀斑斑豔似

錦仙蝶翩翩大如扇今夜月明醉夢中梅花萬樹當尋遍

羊蹠嶺

絕險吾未經世傳羊腸坂茲來羊蹠嶺巔巖畏欲返雲氣已
中劈地軸更旁鏗懸猿臂莫舒健鳥翼難展肩輿勞十夫并
力事推挽愁隨崩石墮陟躡迴峯轉來徑如堵牆前路見疆
畝建甌下深麓飄瓦落平行駛足仰脅息平頭坐噴喘此地
扼山海東路資管鍵樓櫓凌層霄雉堞跨絕巘勢比殺函固
形爭劍閣險守關用一夫萬騎空偃蹇山賊不復踔澤盜久
已剪時平虛地利斥堠上蒼蘚汎卒迎官長旌旗半空捲嶺
樹生暮嵐髣髴萬里遠餘勢猶嶙峋征夫足已商

惠來至揭陽

惠來至揭陽山石頑且惡伏獸猛難近醜鬼怒相搏草木有

橫氣風霜不能虐民俗悍亦宜坤輿所磅礴頗聞豪右家四
壁懸刀槩白晝殺人歸談笑舉杯杓縣吏來執囚到門自膽
落或觸囚人怒繫體施鞭扑吁嗟地氣偏政令爲所格九州
風土殊難治莫此若誰能負蠻山擲之向廣漠

道中見羣兒騎牛且歌且笑心羨其樂紀之以詩

我本邱壑姿而與田園隔我非裘馬人而類鳴騶客西風蕩
斜陽笛聲散空碧童子騎牛來喧笑過我側身在筍輿中渺
渺愁日夕逝將買黃犢寶刀賣不得

途次見桃李皆已作花悄然成詠

小白輕紅綴滿林嶺南殘臘似春深故園正是霜濃日樹樹
梅花繫客心

揭陽晚渡

揭陽官路阻通津
山色空濛雨似塵
擊楫中流愁日暮
隔河猶有喚舟人

夜坐

歲暮人扶病
宵深客憶家
牕風送微雨
寒入膽瓶花

除夕聽雨

除夕思親淚
淋漓雜雨聲
寒更聽不徹
殘臘去無情
酒伴餘孤劍
詩魔是短檠
山魃聞爆竹
那比客心驚

青芝山館詩集卷第八

臨川樂鈞元淑

古今體詩

戊午

潮州雜紀八首

港口空存陸厝園誰從青徑弔忠魂可憐寒食花坑路鬼子

墳頭有子孫

宋丞相陸秀夫宅在澄海城南港口秀夫與陳宜中議不合安置於此今已廢土人呼其地爲

陸厝園潮人呼屋曰厝蓋陸屋園也陸墓在南澳北青徑口

鬼子墳在花坑山南相傳宋時有洪氏女歸於黃旣娠病卒

墓中忽舉子婦人市鬻米哺之家

人覺收墳得子至今子孫甚繁衍

神泉杯水孕神童共惜優曇一現空文苑傳中憐孺子解吟

純扇賦秋風

明蘇福惠來縣神泉人八歲能屬文十四天苑有純扇行秋風辭傳於世郡志列之文苑傳

海角驚傳咏絮才青霞洞主降蓬萊三生一念情緣在重爲

山郎傍鏡臺

謝玉娘揭陽人能詩沒後降乩自言本玉帝司香女以過謫人間尋召還署青霞洞主明苞仙

荅其夫悼亡詩十八首有自別山郎玉鏡前之句

六曲闌干積翠亭雲簾面面遠峯青磨崖更勒西川碣水月

山前是墓銘

積翠亭在西湖山明末隱逸陳廷策所建彭西川墓亦在山麓碣云子孫不必求行狀水月山

前是墓銘又云磨崖即寄人間跡誰識神仙天上境西川不知何許人也

關佛昌黎偶愛僧留衣亭在白雲層靈山亦借韓山顯不見

空門有續燈

靈山在海陽縣西北五十里上有留衣亭相傳昌黎訪大顛留衣於此韓山在郡城東門外以

昌黎得名

菜花田畔水沄沄白堠仙人是隱君不有蕭郎來摸壁小祠

猶誤望朝雲

大埔甲溪北有滌田水道長數里俗呼蔡仙圳旁有小祠祀蔡仙作女像雍正間有蕭石章者

總祠下得祠後石壁鐫文云白堠洞裏號神仙一帶江山幾

百年余今聞墾乾坤老永爲鬼祭蔡花田宋開禧元年乙丑錢公勒珉凡五十五字其詩殊鄙俚不足錄又蔡花疑當作

菜花猴字誤讀平聲偶從郡志摘出以見彭浪拾遺之訛隨

處皆有也

西湖春水碧於天猶似文饒度嶺年玉象自沈應有意免隨

草木去平泉

化象潭卽西湖也舊傳李德裕攜玉象過此走入潭中因名

金山盤石似山君射虎何人傍海雲莫訝姓名非李廣勒銘

人是漢將軍

伏虎石在金城山麓明總兵俞大猷題石上云有漢將軍射虎飲羽於此

讀邗上題襟集寄懷曾賓谷都轉二首

江左青山一髮遙夢中常聽廣陵潮黃隨舊會思盟主梅尹
同遊記幕僚芍藥花濃春簇簇枕椰葉暗雨瀟瀟尺書無計
通雙鯉海角空吟獨坐謠

西崑南嶽唱酬宜附入窮愁賈島詩野菽何堪登俎豆閒雲

還擬倚旌旗千金已築翹材館萬紙爭撫薦福碑送客詩中

勞見勉可能無意令名垂

集中都轉送胡香海詩云君歸見二吳又或見樂生爲言大雅衰各

自崇
令名

天潢小裔墓詩

有序

墓在潮州普寧縣書院琢玉軒前大石巒峙磨厓書天潢
小裔之墓前一行書父普寧縣正朱題後一行書崇禎辛
巳仲冬勒按邑乘名宦志朱統錮號肅園新建人崇禎庚
辰以宗貢廷試特賜進士出身令普寧有善政癸未冬山
賊朱晚張十一等流劫縣東統錮率兵禦之敗死事聞贈
太僕寺少卿土人云此其女公子冢也山長梅州葉石亭
解元見而傷之將爲之銘而寓書於余俾作詩紀其墓爰
賦長句爲諸詩人倡焉並製墓碑載之別集

琢玉軒積花泣露前有天潢小裔墓年紀崇禎父姓朱云是
宗臣葬女處女挈壙銘昔未鐫天上飛瓊名不傳海風吹冷

女貞樹杜宇啼斷清明烟鶴市夜寒春寂寂玉魚金鎖土花
碧棠梨開盡芳草深尚有詩人爲太息我讀邑乘增感傷宗
臣碧血埋疆場全家白骨委荆杞豈徒薄命嗟平陽彩雲已
散復何有一片貞珉獨長久重是忠良骨肉餘紫玉成烟自
不朽五陵風雨悲黃昏化爲王喬土不墳當時亡國諸詩老
何人爲賦哀王孫

三仁祠

大宋左丞相信國越國公微箕比干將母同韓祠左側共席
祀韓山冥冥多烈風越國人中虎信國人中龍左相如神鰲
三公鼎立天地中丹心碧血照落日精魂浩氣成長虹當時
國脈垂一線賸水殘山更百戰嶺嶠城池連盜賊滄海樓船
卽宮殿忠臣義士創滿身寡婦孤兒淚洗面但知社稷當扶

持焉識乾坤難轉旋空坑一敗兵力竭厓門再覆皇基滅平
章舟沈天意決柴市正命人望絕至今精衛填海波杜宇哀
啼繼以血噫噓復噫噓痛恨無窮期南渡時勢猶可爲昏主
權奸同棄之天河已倒固難挽大厦全傾誰得支三仁不救
殷獨夫三公豈能存宋孤小人爲國災害至雖有善者將何
如廉來之屬何足責宜中夢炎吁可誅

怪鳥

戊午正月二十有五日月黑燈昏夜如漆有聲自北流向南
咕咕呱呱過我室如野廟中吹壺盧如古城頭鳴篳篥深林
狐狸遠噪嘯荒草蹠蹠暗啾啾隣生秉燭就我問神鬼何爲
逼人出荅言乃是怪鳥啼我非習聞以意必我聞海上多異
禽爰居踏躑精衛沈日中不敢縱羽翼夜鳴往往傷人心賈

生賦鵬悲長沙宛陵作詩逐鬼車遷客騷人易感觸坐待牕
影迴朝霞萬物與身同覆載偶然相值亦何怪安能禁使鴉
鳩之屬盡無聲耳中常聽鸞鳳鳴

龔澄軒秀才招飲韓江畫舫席上和葉石亭孝廉作
木棉風起春欲空春波亂浸桃花紅詞客相呼走馬出綵舟
繫在城樓東載酒尋春曾幾度今來醉向春深處飛鳥遙凌
滄海雲斜陽漸下金山樹四座紅妝豔綺羅燈前爲客歌復
歌如何不放玉山倒坐看佳日成蹉跎雷鼓轟轟電光瘦一
片江天頃刻漏酒痕狼籍荔支袍不知雨溼青篷透風光一
日多遷移百年渺渺誰復知愴離那待關山隔卽是尊前倡
和時

韓江權歌一百首 有序

櫂歌之名肇見漢武秋風辭注云引棹而歌也而三輔黃
圖言帝宮人於昆明池中泛舟作棹歌雜以鼓吹西京賦
亦云齊棹女縱櫂歌子虛賦云榜人謠注家以爲唱櫂謠
蓋櫂歌播樂府久矣前此女娟之歌紀於韓詩外傳越人
之歌見於說苑其櫂歌之濫觴乎故梁簡文帝棹歌云從來
入絃管誰在櫂歌前至郭景純江賦及隋書地理志所云
棹歌乃競渡所歌者也羊侃盧思道蕭岑魏收駱賓王均
有櫂歌之作體裁非一率皆吳姬越女鳴榔打槳之辭朱
考亭平稼軒各有武夷九曲櫂歌櫂歌繫地似昉於此逮
朱竹垞鴛鴦湖櫂歌百首自比竹枝浪淘沙之調不專屬
鴛鴦湖亦不專言舟楫旣博旣麗斯爲盛矣輒仿其體著
韓江櫂歌百首耳目所及參以紀載天時地理民風物產

拉雜言之蔓延九邑巴渝之誚極知不免然陳詩太史博物君子采覽及之庶以見時平人樂海濱豐庶之象風之正變旨之勸懲亦或有取焉至韓江操檝類皆龍戶故託辭蜚女指事類情體製則然亦紀實也

韓江孕碧韓山青

韓江在府東門外韓山在東岸

明鏡東邊列翠屏一里畫船簫管沸旗亭

閒倚曲闌聽

韓江在府東門外韓山在東岸

青草黃梅瘴久消南荒氣候異前朝江波滴滴通滄海夜半

雞鳴不上潮

廣東古瘴鄉其候有四春青草夏黃梅秋新禾冬黃茅潮州雞鳴多應潮名潮雞

湘子浮橋鐵索牽橋南橋北蜚孃船宜春帖子雄黃紙長樂

與寧小對聯

廣濟橋俗呼湘子橋在城東橫跨韓江蜚舟叢泊船尾各以紅牋書長樂與寧四字

儂家生小住瀛洲常看銀河拂擢流更占天邊好星宿檣烏

棲處是牽牛

潮州梁時曰瀛州屬牽牛分

盆草在船梢

蚤家有男未聘則置盆草於梢以致媒妁焉

上水門連下水門桃花春浪沒橋墩來朝漲落城門啟滿地

魚蝦價不論

濟橋浸城數版城門爲閉以近海漲亦易落

市上天桃卜歲華珍珠米貴定難賒不愁米比珍珠貴十頃

山田種地瓜

郡有天桃大如木瓜不宜歲事諺云米價高食天桃有珍珠米與洋米相等番薯土名地瓜貧

民仰以爲糧

江面微風皺薄雲柁樓衣桁曬紅裙打圍艇子輕如葉絕似

凌波水上軍

韓江小渡船名艇子遊

九姨山下落花飛六姊巖前野草肥人氣香烟春漠漠靈風

吹冷五銖衣

九姨潮陽林氏女修真於翠峰巖化去稱其巖曰仙女巖六姊巖亦在潮陽相傳有六女修行

於此兩巖並有廟祀

竹枝和葉挂燈檠導引魚龍市上行諸社少年齊結束豹皮

短襖縵胡纓

部城燈戲挂燈籠於竹枝各署某社某社不下萬架執燈者著短豹裘戴雨縵帽

魚鱗編瓦嵌船牕穩繫橋東雁齒椿西岸水深東岸淺不愁

風浪打輕艘

蠶船多繫韓江東岸

西湖山下是西湖煙火樓臺入畫圖不種桃花不栽柳沿堤

都長綠珊瑚

西湖山距郡北里許山下即西湖珊瑚樹青枝無葉絕類珊瑚故名山下特多

牛田洋水赴歸墟漁弟漁兄水上居嘗子船頭齊曬網刀碓

入市賣蒲魚

牛田洋在澄海通海多魚蛤之類言民賴之澄海嘗子船風船皆濟船也沙魚狀如蒲莖船長尾蜆

蜆疑即昌黎詩所謂蒲魚尾如蚶者是也

蓬幕斑斕繡毳毳玻璃燈佩響丁冬為嫌船板汗羅韞更墊

流黃席一重

蠶船多以湖絨布繡花為幕挂小玻璃燈葉流黃席出潮州流黃鎮與虎邱席相似蠶人用以

船席

東家壕田石滿畦西家煙田草沒堤翻車同引陂涵水半向

東流半向西

海濱人以石燒紅散投水中蟻生其上謂之蟻田又以田種蠶謂之蠶田澆田之水多曰陂曰

涵

抱香屨子繭黃衫高髻連環簇扁簪阿嫂妝梳偏豔異鴉鬢

蟬鬢賽江南

抱木生於水松之旁若寄生潮人削爲屨稱抱香屨婦女皆著之又多梳高髻衣繭不爲時世

妝潮人呼蠶娘爲阿嫂

妾占鳳皇溪一灣郎家住近鳳皇山鳳皇山上相思樹莫遣

遊人信手攀

鳳皇溪在城北發源鳳皇山滙於鰲溪山距郡城西北三里上多相思樹樹中有神被髮跣足

開輦山民唱輦歌山居樂較水鄉多笑它爬蜺塗跳上日日

腥風趁扁螺

近山之民種薯芋名曰開輦村張歌唱有聲無字名曰輦歌塗跳形如小舟而無兩旁棹板長三尺餘厚半寸行海泥上以拾魚蝦名曰爬蜺隋劉臻以父

名顯呼蜺爲扁螺按輦字潮州俗字疑爲輦字之訛輦音飯

村村甲第祖祠崇喬木陰森翠掃空蠶戶浮家無族姓歲時

香火一船中

潮人營官室必先祖廟有尊祖敬宗之義蓋風俗之厚也

江虵土筍味鮮新鱉醬魚生雜選陳郎不慣嘗休下箸知郎

原是外江人

郡有江虵形絕類蚘虵又名曲蟾曰土筍皆喜食之鱉魚腹中有子可以為醬樹生魚食之曰

魚生稱嶺北人曰外江人

三利溪添水一篙且郎且大共漁舫兒夫少小風波慣却販

魚鹽上海艚

三利溪在郡城西湖人稱壻之兄曰且大壻弟曰且郎

隔岸耶來喚不膺晴沙如繡水如綾城頭日落秋星滿知是

酒家樓上燈

郡城酒樓皆臨韓江

鳳巒山光落鏡函辭郎洲畔濕征衫潮公風急潮婆猛蚤泊

郎船莫挂帆

鳳巒山在饒平東辭郎洲在南澳海中土人傳九月潮為潮婆十月潮為潮公至期舟人必收

泊避風潮婆尤甚

白衣山子姓藍盤身不耕桑稅早完射殺山中艾葉豹判將

皮革送州官

湖州山峯其種有二曰平巒曰崎巒其姓有三曰藍盤雷皆獠族號白衣山子孫獵而食歲納

皮張於
縣官

馬鑼喧擊雜胡琴楚調秦腔問土音昨夜隨郎看影戲月中

遺落鳳頭簪

潮人演劇鳴金以節絲竹俗稱馬鑼夜尚影戲男婦通宵聚觀

刺花菲菲刺潑肥紙錢飛滿杜鵑枝清明雨後龍華會都是

陳人閉墓時

海中有鳳尾魚俗呼刺潑諺云刺花菲刺潑肥清明墓祭必買是魚自清明至四月八日稱爲

閉墓口肯可挂掃

女龍雌鳳舞長街香霧輕籠十二釵小玉回船誇得采紅綾

三尺綴銀牌

郡人賽神節盪船小女爲故事觀者以竹竿揭紅旗懸銀牌子之謂之打標以爲品題

勸君莫食鴉片烟勸君莫食暝菜鮮暝菜令人眠不醒鴉片

令人醒不眠

鴉片烟來自洋舶食之能通宵不寐綽菜夏生池沼間食之令人思睡故又名暝菜

慧花巖下花氍氍天朗氣清三月三紗帽石邊尋片石踏青

歸去便宜男

慧花巖在普寧洪山山麓有紗帽石三月三日婦女踏青攜酒肴祀之以手摩石拾其礫以歸

云宜男
時有驗

意溪清淺萬江緒穩泛中流一幅蒲白髮梢公燈下語有人

會見鱷魚圖

意溪一名惡溪昌黎祭鱷魚處萬江陳文惠捕鱷處也又王齊直知潮州釣得一鱷大如屋繪

以爲圖

布穀斑斑雉子馴秧歌啞啞稻苗新村童拍手農夫笑又打

籠銅鼓一巡

農者春時插秧命一人搥鼓每巡羣歌競作名曰秧歌

蓂盆青茁水仙芽種得油蔥刷鬢鴉振柁不愁銀鑷墮紅絲

牢銷素馨花

油蔥葉如水仙厚一指許而邊有刺破之有膏可以澤髮婦女用以代油又多以線絲穿素馨

之花故

翠娥織草碧於苔姊妹花前姊妹來聯襪踏春何處好鳳皇

洲上鳳皇臺

邵產翠娥草及七姊妹十姊妹草鳳皇臺在城東南鳳皇洲上

儂去程江手暫分片帆雙漿趁南薰荔支顆顆丁香核松口

人回寄與君

程江在嘉應州自潮州往嘉應必由松口鎮其地產蕉核離枝甲於它處

龍船花開紅照衣龍船隊隊蹴波飛只緣奪得紅旗樂志取

江心節水歸

龍髯花開於端午潮人稱為龍船花五日競渡插綵旗於江中壽之又取江心水貯於家經久

不敗謂之節水

苦棟成圍待嫁孃今年製作女兒箱壻家來定扶妝日紅綵

纏缸溪酒香

粵人生女多種苦棟以為嫁時器物大埔將娶請期謂之扶妝郡出溪酒

大金門對小金門南澳千山雨氣昏咫尺風波郎莫渡海魚

吹沫口如盆

大金門小金門在饒平城東南海島四山屹立海中旁瞰南澳

七夕天河玉露零結星龍眼宴中庭紙衣供罷牀前母更拜

牽牛織女星

七夕酒宴必用龍眼謂之結星剪紙衣供九子母謂之牀前母

萬疊雲山對酒樓風吹旗影墮沙洲郎來繫馬木棉下防被

木棉花打頭

木棉樹高數十丈正二月開紅花大如山茶瓣極厚墮地有聲

鷓鴣筵上訴春風莫憶吳娘水調工翦髮雛奴嬌鳥慧尊前

能唱滿江紅

蜚女七八歲能歌

中秋璧月挂高檐剝芋家家捲竹簾癡絕無愁了髻女小屏

風下拜銀蟾

海陽中秋人家玩月剝芋食之謂之剝鬼皮

何人吹笛下青霄夜半題詩起怒潮來往西關人盡說呂僊

曾到釣鼉橋

釣鼉橋在揭陽縣西關外昔有人題詩云桃花浪暖禹門高平地雷聲驚怒濤願借天家虹萬

丈垂釣直下釣金鼉題說忽不見相傳以爲呂仙云

水荳花冷暮江寒撈得洪蚶佐客餐記食君家天嚮炙紅牙

雙筯水精盤

粵人燒蚶以薦酒名天嚮多郡有野象牙小而紅可以爲筯又多水精器

聘婦尋常禮數能植椰蒟葉代金繒掃廳明日迎心布夾路

平添五色燈

潮人聘婦富者用金帛貧者植椰蒟葉雞酒而已饒平將娶定期謂之掃廳稱媳曰心布隣里

各懸燈於門以爲慶賀

樟林烟樹遠，淒迷東隴寒。潮打曲隄幾度，運艚船上望蜃樓。

重疊繫颿低。

樟林東隴相距三里俱澄海海口邑人常以運艚船捕魚游中

君在羊城肯憶儂，寄儂番緞并洋鐘。報君土物青銅鎖，爲鎖

情關一萬重。

潮州銅鎖特精世稱潮鎖

采花莫采雙芙蓉，釣魚莫釣貼沙魚。花自並頭魚比目，可知

儂是不如渠。

比目魚潮人呼爲貼沙魚

五色扶桑繡日陰，雕籠小鳥怨春深。綠毛倒挂紅鸚鵡，盡是

花前共命禽。

扶桑卽佛桑有紅黃數種么風綠色一名倒挂鸚鵡有純紅者

秋草寒蕪泛剪刀，閩中少婦絮征袍。黃岡戍客方擒盜，彪仔

船頭海浪高。

剪刀草生水中潮郡處處有之黃岡在饒平縣南瀕海每歲官兵駕趕艚彪仔等船出海捕盜

甘露井中甘露湛，儂家正對老君巖。郎行莫飲潮頭水，井水

清甘潮水鹹。

西湖山老君巖有甘露井

百花山頂鳳山窩歲歲茶人踏臂歌阿姊采茶儂采芋不知

甘苦定如何

饒平百花山一名待詔山產茶名待詔茶潮陽出鳳山茶舉蘆葉名苦芋芋一作荳粵人烹茶

必點芋少許以爲佳

近來潮調變新聲轉入琵琶字字清却聽隔船喧拇戰糯沙

細耦不分明

董宗小曲有潮調潮人方言呼一二三四五六七八九十曰節橋沙細耦落七撥橋雜載郡志

桃花溜溜遍山坳野燒烟騰宿鳥巢驚起一雙秦吉了月明

飛繞水松梢

董人謂水曰松花溜溜郡多秦吉了唐人送海陽令詩驚將吉了語水松搜也郡中所在植之

蔡家圍水急潏潏此去高灘復淺灣儂是不船行不得斜陽

紅上九郎山

蔡家圍在韓江上流十里與九郎山近嶺船大者曰不船不肯乾上聲潮州俗字也

偷淋撲簸打蓬牕隔岸譙樓早發梆郎來不來雨不住頻抽

簪子剔銀釭

諺謂夜雨曰偷淋

吳越花王貯寶闌春工只許一年看何人解學韓湘子頃刻

能開碧牡丹

郡無牡丹好事者從吳越附海船致之開花不過一歲

幾日炎風汗正流瀟瀟一雨便成秋晚來巖溜添江水岸草

萋萋叫地牛

諺云四時皆是夏一雨便成秋地牛類蛙眼突腹脹黃黑色聲甚巨故名

深山雷雨長楓人傳說通靈似鬼神爭似花公花嬖好管花

兼爲管昏姻

嶺南多楓木歲久生癭瘤遇暴雨驟雨一夕晴長數尺謂之楓人越巫取之作術有通神之驗

花公花嬖不知何神也蠶船多祀之

生長潮陽翹尾船往來海汊浪吞天自從買得船如屋遠避

鯨鯢已十年

潮陽水道須經海汊其船名翹尾船

蛾眉扁豆弗疎籬鳳尾芭蕉蔭曲池城市人家風景別蜃灰

牆矮露花枝

郡城人家多以蜃灰和沙土築牆名三合土牆內多種花木

新婦新郎比翼鶴客來茶素要頻添瓜糕瓜珀尋常味不及

糖梅入口甜

郡人作西瓜糕又以糖霜漬冬瓜片曰瓜珀新婦入門必以糖梅爲舅姑之贄召親弗爲糖梅

宴糖梅以甜為貴詩曰糖梅甜
祈婦甜糖梅生子味還甜云云

望夫石畔杜鵑啼望海山頭白鴿飛
舶趁風吹梅子雨波斯

賈客幾時歸望夫石望海山並在惠來船船養白鴿數
千里能歸其家梅雨後涼風曰舶趁風

夫婿年年采葛條綠牕夜夜績芭蕉
壻穿葛布儂蕉布穿過

中秋暑未消邵產葛布蕉布

南溪水引北溪波溪上人家養門鵝
飛去鴛鴦三十六更無

人唱采蓮謠南溪北溪並在揭陽至浦灣渡
會而入海邑人多以門鵝為戲

鍼神巧妙比姑蘇繡出穿花蛺蝶圖
六幅瀟湘裙袂上費儂

三日好工夫潮州婦女
多業刺繡

蓬萊灘頭水鬪風三河壩口雨濛濛
船來船去灘師熟郎坐

三蓬妾六蓬蓬萊灘三河壩相距二十里俱屬大埔往來要
津也船至灘多倩土人掌頭名為灘師三蓬船

商船也

畫眉山鷓門豪華小鳥能傾卓鄭家更說佳人身插羽百金

爭買四停花

湖揭人蓄畫眉山鷓門之勝者得高價又養鷓

至百金皆始於嘉靖甲申至今尚爾插羽佳人鷓也見清異錄

瘦日荒荒冷霧屯離腸已斷斷離魂寒婆徑口燒薪草凍鳥

棲烟入廟門

寒婆徑在普寧望夫山下相傳昔有孝婦與姑

者必拾柴草少許置廟側近廟之人積而焚之爲孝婦禦寒云

東船西舫雁行排初月始始墮水涯魚姊隔牕呼蜺妹燈前

同打象碁牌

碁字謂女大者曰魚姊小曰蜺妹以魚大而蜺小也以象碁爲葉子格打之

師婆考召入幽冥能致亡人地下靈昨日鄰翁曾落聖重泉

苦語不堪聽

妖婦詐覓死者述生前事以詭財物婦女信之謂之落聖

菊花開候不重陽荷葉圓時水正涼歲尾年頭春似錦那須

紅葉綯秋光

潮州菊花開不以秋十月荷錢生樹木終歲不凋無紅葉

香桃花北刺桐南構得新居小似龕庭下不栽閒樹木果名

宜母草宜男粵有香桃花與常桃不異八九月開有微香刺桐花如木筆郡多有之宜母果似橘而酸孕婦

食之宜故名又名宜濛子

苦竹脩脩叫竹雞惡溪相送到清溪郎今竟向藍關去飛雪

何曾擁馬蹄清溪林嘉應州長樂縣由此登陸至老隆經藍關俗傳昌黎遇雪處蓋誤也

船窗小几供泥孩上地祠中接取來莫保生男但生女為儂

承守舊妝臺婦女多往土地廟迎取土偶以為懷孕之祥孺家以生女為樂

倒捻花紅春酒濃郎今欲去且從容鯨魚未合天猶早才打

寧波寺裏鐘倒捻子如紫黎有紅紫可為酒寧波寺在廣濟橋東

前日相逢黃竹林今朝相見綠榕陰東湖只在西湖側郎有

深情妾有心郡多黃竹及榕樹東湖在西湖之東

筆架山頭落照銜秋蚊如霧撲衣衫移船繫近蠓蜍石明日

開關好放帆韓山三峯如筆架亦名筆架山城西山舊有怪石號二蟾蜍明宣德間郡吏撲碎琢爲廣濟橋

大婦巡檐顧乳燕燈公入廟洲神燈阿姑阿妹去年嫁薑酒

如今香未會粵有乳燕產婦食之通乳湏就神求燈祈子生

以薑酒餉客名曰薑酒之會問人生子願曰薑酒香未

帶葉海開十月初珠光離合玉蕭疎郎言白是豐溪雪若比

梅花恐不如潮州梅花冬初即開有葉豐溪在豐順九邑惟豐順有雪

萬里橋邊遠送君七星石畔浣羅裙有情溪殺雙谿水同入

滄海更不分萬里橋距揭陽縣五十里雙谿口距縣三十餘里南北兩谿會此入海溪中填石七處名七星石

郎去珠江看杏潮儂愁暮暮復朝朝儂愁只與江潮長不與

江潮長復消廣人謂潮之盛者曰杏潮

不愁天雨怕天乾祈雨常年動長官海上泗王求未應城中

還建雨仙壇

潮州水通海易落不常爲災潮陽有龍潭能興雲雨宋時賜號泗王得陽孫道者宋乾道時人

年十二能祈雨次年山去郡人祠之每禱雨輒應稱爲雨仙

走馬埒前江水平清江花江草不勝情儂船如馬穿煙過不見

耶騎馬出城

走馬埒在郡北十里南漢祖劉安仁爲潮州長史時所築

鐵颶乘潮欲倒山人如住海中間多年不逢鬼打節湖到

通湖港便還

颶風大者名鐵颶凡歲一鬼打節有一颶三鬼打節卽有三颶謂立春立夏等節逢鬼宿也通

湖港在普寧

貓兒渡口草菲菲小艇橫烟過客稀日暮垂楊鴉鵲噪前山

婦女采樵歸

貓兒渡在大埔無行徑僅設小艇以渡婦女之樵采者

浪說荇苒澤溢多礮臺臨水護漁艇柑花結子吳王死無限

枯魚泣過河

明正德辛巳十月柘林柑花盛開結實先有童謡云柑花開吳王來柑結子吳王死後嘉靖元

年吳清入海爲盜稱吳王凡三十餘年爲官兵所殺海盜寢息

九節蝦盃錫白銀盃中酒子綠醅新由來此物如時女一種

芳香醉殺人

郡出九節蝦大者長二尺許土人錫以白銀謂之蝦杯釀酒未大熟取其膏液土人謂之酒子

東坡有酒子賦云若時女之方筭

三月楊梅論斗量九月黃柑滿竹筐芥果有錢無處買吳淞

商舶正開洋

靈望子一名芥果實黃味酸甜能止船暈海舶兼金購之郡人多泛海服賈蘇松

金城山脚水流東玉簡峯頭日正中十八封姨隨柁尾一時

胡蝶趁江風

金山赤名金城山在郡北玉簡峯在郡南湖人駕舟率用布帆三片名胡蝶蓬

亞歲寒風攪樹號家家飼耗作粘糕市兒青布包頭額猶向

街心賣冷淘

海陽冬至祭用米圓或粘糕謂之飼耗郡人多以青布裹頭禦海風

女兒布好勝潮紗賣與東鄰嫁女家歎息木蘭當戶織黃昏

愁對合昏花

郡出潮紗又有細芋布名女兒布

西園紅雨撲金鈴東閣寒香委玉瓶到底儂家春色久男青

青對女青青

冬青有男青女青兩種

中庭爆竹裊空烟火井圍爐又一年記與阿郎同守歲燈昏

牀下不曾眠

除夕設火井於廳相圍而食謂之圍爐通夕不寐謂之守歲然燈牀下謂之照虛耗

鳩婦隨雄住鵲巢舞衫歌扇已全拋畫船多少紅裙伴猶作

春江水上泡

番女無家脫籍者十之一二

荷風蕉雨伴閒牕戲拾蠻牋詠海邦南國轡軒如問俗櫂歌

聲裏是韓江

附跋

長洲

王芑孫

惕甫

班固志地理所引不出風詩兩漢儒者說禹貢職方奚

膏萬言以今時考訂家論之宜將悉取諸彼而固獨取

此蓋不徒以志地理兼有以得政化善否風澤芳臭之

殊以此見固著書有義而詩亦非徒作也權歌之體猶之柳枝橘枝雖出樂府實乃古風之遺近世作者甚盛樂君蓮裳遊粵因爲韓江權歌百篇指事類情賅引極博于以達殷勤之心而頌善醜之德庶幾固所謂微言相感者在焉其自注尤精審有法足爲一方職志異時詩官采言誦訓詁俗其將於是乎觀之會君重刻以行爲書其後

的的

的的人中意冥冥物外綠水花紅自照風柳翠相牽小蝶如殘客遙山是古僊碧雲來復去誰與惜華年

學琴

昔倚高樓弄長笛愁心渺渺不可極欲求妙響紆煩憂十載

梧桐挂素壁昨來飽聽穎師彈能寫人心代語言試按官商
調律呂眼前萬事俱雲煙畫對花光夜色指聲漸合心聲
得高低清濁論豪釐長短疾徐爭頃刻初作塞鴻沙雁聲征
人賈客心暗驚繼爲圮橋進履曲老人孺子傳幽籙梅花三
弄流新腔兒女喁喁圍夜釭移時變作客牕話今古茫茫幾
代謝陽關淒切搗衣悲幾人聽此傷別離明妃一曲更嗚咽
馬上琵琶心斷絕漁樵問荅獨蕭爽流泉石上同清響最後
攝心梵咒中繁音衆感皆虛空一春人事頗閒暇轉眼春歸
琴亦罷薛譚未識過雲謳飛衛猶輸鏃射清溪曲曲滄海
深疎簾空捲爐烟沈一彈寥寥無賞音再彈忽忽傷我心平
生苦抱齋門瑟冷落水雲負松石會向蘇門訪異人仰天一
嘯空山碧

題畫蘭便面留別果泉觀察

昔尋素心人萬里不覺遠彈琴追故歡海草綠春苑野鶴嬾
且病啄君好苔蘚羽毛時一梳尚畏秋風剪徒言遊子身久
出義當返眷戀青松柯欲語口屢蹇時節苦不居榴花倏照
眼飲君離筵酒決意到沈湎不醉乃告行有懷若爲遣高誼
積滿胷寸管難具闡視我比同氣述感亦已淺幽蘭喻賢友
不隨衆草偃明德君自崇令名我當勉

發潮州

千丈虹竿擲海濱金城回首一傷神馬蹄已斷飛花路船尾
猶呼送酒人羅袂倚風調急管布帆隨鳥去遙津旗亭是我
題詩處他日憑誰掃壁塵

筠門嶺登舟水淺不能進是夜大雨河水驟漲三日

遂抵贛州

嶺外歸人浪遠遊沙高水縮滯輕舟
狂風一夜鳴深樹夾岸
千山爲濁流聽雨不嫌殘夢醒
看雲猶記暮天愁人生利鈍
渾難卜莫信將軍命不候

到家

又得慈親笑還家弟二回瘴雲騰袖出村瓮洗塵開異俗談
楓瘦餘情問竹胎相看仍歎息知是暫歸來

七月十六日蔣秋竹招吳白庵吳蘭雪陳石士飲於
藏園綠隱樓僕適往訪遂邀入座白庵有詩乃次其

韻

章門風雨打秋槐隔屐新從嶺外回獵酒竟爲倉卒客尋盟
半是隱淪才疎紅泛沼當廳見野翠和烟入座來五百仙人

愁弱水看誰颺羽渡蓬萊

戲題號舍壁上索後來者和之

正是江西選佛場僧龕如斗蔽孤幢手將一鉢尋誰付心與羣魔戰未降鸚鵡能言猶在架獼猴無計只呼臆我來暫訪三生石莫擬修禪似老龐

白庵蘭雪不與鄉試闈中念之

鄭虔官冷羞聞達孟浩詩窮被擯遺我輩科名何足道此中况味本同知日高籠啟雞爭粒夜靜巢空鵲遶枝勞苦自憐成底事桂花風裏誤歸期

題鄒鶴林秀才

鍾嶧仙巖紀遊圖

塵土如烟眼易昏雲簾遮斷洞天門到來芳草都迷路何處桃花不遠村萬古仇池通小有卅年瑤圃隔昆侖羨君石室

曾親到翠壁飛泉瀉酒尊

戊申以後重九五在京師三在南昌一在廣州今年
還自潮州重九前一日出弔於某氏被留信宿乃歸
東坡有言人生唯寒食重九慎不可虛擲愧負佳節
抑何多也乃以初十日補作視東坡十一月望與客
泛酒作重九茲爲近矣

九年負重九轉徙背鄉國登高望故山長雲混南北海上今
來歸西風未蕭瑟新釀滿醪香坐待酌秋色寧知遊子身還
滯故人宅是日霜信動落葉打牕格家人候柴門凝望至昏
晷烹雞不下筯對盞各愁惻在近尚如此况乃關河隔一日
寧足爭萬事苦相迫委心任所遭時運諒難測佳節雖云過
邁歸猶喜得及此菊花好取醉老親側一座皆獻酬主人終

似客

山居秋冷外物靡干卽事遣情率爾成咏得短句十

一首

古人復誰在來者胡爲哉載籍紛多事英雄更可哀河山碁局改日月箭鋒催亦感秋牕客時時傾酒杯

騷雅本天籟吾心時自鳴攤書攜古藻搖筆戰秋聲花鳥知時運烟霞養性情西風吹白袷背手倚前楹

拔劍欲起舞濃雲生硯池因師羲獻法雜寫宋唐詩雙鶴翔天外羣鴻戲海涯仰空成獨笑何故事毛錐

久遊得畫理奇秀滿心留綠憶江南樹青憐海上峰吮豪爭石勢潑墨幻雲蹤我法非卿法焉知南北宗

小語忽不快背人彈素琴靜無歸雁影高有斷雲心香篆細

逾細簾波深復深曲終秋氣冷明月透疎林

近日能沈醉殘秋况在家攜壺坐磐石傾盞勸寒花微笑心
自寫長吟手屢叉離騷今懶讀且復讀南華

村郭多溪港寒流清且長魚行飢不餌鷺立渺相忘細柳拂
輕笠枯荷承野航此身無著處聊欲老漁莊

萬事誰爭得楸枰戲手談平心論勝負學佛戒嗔貪殘孽逃
關右官軍奠漢南自羞泝滌統壯士列戎驂

閉門學種菜能事輸園丁大瓠藤都死晚菘芽始青曾無煙
雨潤漸有雪霜零奉養嗟貧薄槃餐月幾腥

多病不敢死尊生慰老親畏風晨謝客買藥夜呼隣刺促成
今我康強讓衆人百年皆草木但苦作勞薪

憂歡常代嬾喧寂亦相兼未鑄燒丹鼎虛垂賣卜簾比隣惱

鵝鴨病婦計齏鹽便出看山水憑人道不廉

悼柚樹

柚樹先人栽濃陰綴佳實大若桂髓瓜甘比梨花蜜老少皆
屢嘗親朋亦遍給我見常恭敬重之比父執自從大椿摧婆
娑生意失蟲噬復風掀竟偃輪困質吁嗟土德仁相委何太
急少陵悲拔楠中郎歎折栗况此手澤存孤兒所銜恤碩果
既云亾撫根長涕泣

山中寄懷果泉觀察

數月閉關坐蕭然百事廢出逢鄰子言聽之諾而退豪氣鬱
心留時流枉盼睐獨仰秋雲高每若故人對官貴心不榮道
尊迹能晦令德真我師散材乃君愛孝標論五交良爲末俗
慨圓觀說三生亦有夙緣在干時愧俊傑觸熱笑襤襪勞得

慈母憐窮任狂奴態廿年好紙筆五臟苦雕績曾承藥石砭
敢作韋弦佩日來天雨霜念君使心痾何時溝壑水再與滄
溟漚

十一月廿五日自郡城登舟

日午脂車夜放帆朔風潑潑雨毳毳故園別卻梅花去寒影
隨人到嶺南

過黃昏渡

細雨孤舟客斷魂黃昏渡口正黃昏艖公欲買衝寒酒近岸
人家已閉門

焦石道中

雨過千山浴未乾水風吹透夕陽寒漁翁曬網沙洲嘴閉倚
船篷袖手看

謝埠雪行

一兒一僕一扁舟誰信先生是遠遊
催換小車倉卒去一天飛霰打征裘

藏園小飲夜歸枕上聽雨東蕩船

短夢今何夕誰來喚客醒
雨爭寒柝響心共故人聽
酒味猶堪啞詩窗未可扃
園梅忘卻看明日恐飄零

次蕩船揚州見懷詩韻畱別時蕩船亦將入閩

盛世容疎散長貧累友朋
出門天似墨論事酒成冰
蹤跡分雙劍文章譬一燈
幸非田舍客終恐愧陳登

吉江舟中呈胡浣雪鶴泉昆季

吉字江頭舴艋舟窮冬去作海濱遊
天寒霧重山橫斷日暮風狂水倒流
吏部文章無寶笈襄陽冠蓋已荒邱
共君倚舵

吹長笛畧寫蒼茫過客愁

觀牛鬥歌

烏犍兩角彎強弓小視黃牯如牛童旁有一牛形與同負氣
不下來爭雄一牛埋頭欲上觸一牛豎脊將旁攻似解用力
兼用巧往往避實乘虛空若綬結腰入水鬥若火燒尾穿城
衝野田十畝倚峭壁枯樹倒挂搖顛風吾聞爾牛結陣可卻
虎服輒能追騏驥蹴不啻爾力待有用同類相殘終兩凶況
今歲晏休三農無復耕作勞田功炎方氣燠野草豐胡不飽
臥斜陽紅牛兮無知詎足詰爾牧牛者寧弗聰執鞅曳鞭復
何事乃令并命吠畝中憑誰爲報多牛翁速牽兩牛歸牛宮

役夫

會昌距嘉應山路何蜿蜒石險水源斷萬古無車船所仗惟

役夫雙足承兩肩，歷艱繩履絕，負重毳褐穿，晝裏豆粥飽，夜假蒲羈眠。勞苦豈不極，歡笑常譁喧。少休輒聚博，小忿時相拳。冥頑信天限，貧窶良足憐。客子傭爾力，計日酬緡錢。詎如官吏役，枵腹加笞鞭。役長與市正，豪猾執利權。就中十取五，怨怒毋敢言。空囊返家舍，妻子炊無煙。老病腰膂廢，乞食啼路邊。自從阡陌開，萬世難均田。役法又代變，貧富成絕懸。不見千金子，逸樂隨所便。豈其才與智，定較此輩賢。

十二月廿七日再至潮州

還家忽忽暑更寒，迎面韓山識故歡。海鳥未忘鐘鼓樂，園花仍坐幔亭看。塵埋賦筆鋒猶在，泥浣征袍暈已乾。夜對癡兒燈下笑，天涯歲暮小團圓。

青芝山館詩集卷第九

臨川樂鈞元淑

古今體詩

己未

懷吳巢松秀才

慈鶴

延陵公子佳公子冰雪爲心玉爲體讀書欲擅崔劉長賦詩
力掃齊梁靡丹山老鳳翔昆侖提扶鳴聲天下聞江河有源
地有脈知君乃得顏公文大雅堂中奏絲管共君劇談苦夜
短對語漸形叔譽窮別來更覺宰子懶瀛州春草碧復碧疎
散情懷百不釋時憶夢中拊掌人斜月脫雲照窗白

與果泉觀察夜話

千古誰長在評量得幾人有才須器識無命亦沈淪風月非

開物江湖但容身可能操弱管言行錄名臣

示少華二首

昔我成童時汝祖捐館舍萬事戰身心蹉跎忽老大學問既
白荒教汝仍不暇蒙養誤始基感歎迫中夜今汝年十三義
取尚東駕尺竿良易進分陰固無價雜天生四民職業各難
卸讀書道最尊其味如啖蔗鐘磬則有縣壁琮則有藉參石
能自高亦足比嵩華胡爲情且頑童心情未化汝父斯前車
遲暮吁可怕試看溝中水萬古無迴瀉織織竹箭青轉眼拂
樓樹

吾母抱孫遲穉汝序居孟日夜望汝才庶有充閭慶外家乏
兒息相繼促年命平生最汝憐至今目難瞑我勞亦漸衰汝
母夙多病汝弟才四齡舍汝各誰凭人生無等夷皆可學賢

聖讀書非佔畢飭躬以明性身如朱絲繩心乃青銅鏡引繩繩則直磨鏡鏡斯瑩報

國賴文章顯親在志行窮達無足論操持貴早定汝雖幼且愚教汝必以正努力肩重負斯言其敬聽

果泉觀察素不輕爲詩近日作一篇見贈相推甚至賦此奉答

六義揚天葩大道所凝結萬端經緯陳片語性情揭君本詩中豪出爲濟時傑轡軒百粵南采補國風缺晃蕩滄海胸萬里可橫決高眼矚霄漢清響振環玦忽投尺一牋久蓄快一洩壘壘不朽英鏤鋏祛瑣屑我愧顏屢汗我讀口不輟書生操寸管描畫計巧拙始歎無用言聊可自怡悅寒鳥聞鳳鳴矯首反其舌願扶大雅輪導我遵修轍

二月初三日

五陵春色萬花中，獨倚樓闌悵遠空。
草木際天含宿雨，郊原徹夜響悲風。
橋邊鶴訝今年雪，林外烏號明月弓。
欲向羅浮看日出，扶桑遙隔海雲東。

初六日二首

玉燭初調雨乍晴，閒登高閣俯層城。
浮雲蒼狗須臾滅，幽谷黃鸝宛轉鳴。
惡竹礙檐新斬伐，好花映日倍分明。
白榆歷歷青霄朗，我欲焚香禮太清。

西牕獨酌又顏酡，手拍繩牀一放歌。
史事在胸如昨夢，春光滿眼是餘波。
藏蛇藤蔓愁斤斧，銜鼠鴟鴞泣尉羅。
戒飲浮梁三百盞，太平時節敢蹉跎。

嶺南新樂府十首

金罐

粵人尚堪與葬後必發視其骨色黃者易棺瘞原穴色黑者貯以瓷罌名曰金罐更求佳兆有數十年未就窆者瘞應州皆然潮州亦有之

金罐夫何物羸罌貯枯骨鼻鼻遍空山荒草半埋沒死者靈不靈生者求佳城處處風水惡年年霜露零可憐金罐苦偏仄游魂夜夜尋幽宅白楊蕭瑟青楓寒舊日荒塋歸不得忍暴親骸求福祥忍用瓦塋同下殤百年必盡生者死殘骸亦入羸罌藏形家所言理或有覓得牛眠骨已朽賓客吹簫盡白頭松楸新種無人守

買兇

殺人者購一人代為抵罪名曰買兇雖茹刑不肯吐實

富兒殺人走亡命貧兒受賂頂名姓甘心性命輕鴻手雖有
于張訟難聽頭顱賣却值幾錢價高不過三百緡妻孥得此
暫溫飽餐刀伏頸無冤言東市雲寒日色薄臨刑猶自念餘
囊北邙山下紙錢飛何處青蚨貫朽索富兒生益富貧兒死
終貧貪夫徇財寧殺身錢能使鬼還通神

造餉

無賴乞丐往往殺人移富者之家索錢而寢其事名曰造
餉

羣丐殺一丐嫁禍多牛翁多牛雖吝不敢吝金錢如土傾囊
中丐不披堅不執銳公家糧餉何由致殺人得錢身晏然此
是乞兒造餉計夜埋死丐深谷裏燐火熒熒哭冤鬼乞兒從
此非乞兒飯糶貯金返鄉里金隨手盡更無賴故智欲行前

事敗吁嗟狡獪胡可長縛向市曹償業債

海盜

粵東海面分東西中三路並有舟師防禦南風盛時盜從
安南大洋連檣而至西路商船最先受害洪濤出沒甚難
捕獲

山盜如狐狸海盜如鯨鯢巢穴逋逃易焚掃波浪出沒難擒
圍此徒半出安南國閩粵亡命亦從賊白艚狂趁西南風五
月商船行不得頗聞西路豪富民婦女兒童多盜羣買船借
盜權子母一家晏坐收金銀漁人捕魚出外洋暗中往往齎
盜糧此皆盜源盜羽翼兵汛懈弛官難防鎮將終年駕檣艣
時捉海盜送大府東市懸首方嶼壘又報商船被搶擄洪濤
萬里連番夷蛟宮鼉窟雲迷離塞海口有佛郎機發聲如雷

盜不知

械鬥

鄉民持械聚鬥曰械鬥閩之漳泉爲甚粵亦時有

執戈不闢衛社稷磨刀不爲殺盜賊蝸爭螻戰嗟無名共膽
千奴死不惜或爭邊乘比吳楚或有違言似鄭息可憐口舌
生戎兵顛與村隣作仇敵鬥有強弱無勝負殺傷抵罪各如
數等頭柱足凶纍纍官法豈能少寬恕近時川陝餘寇氛搜
原剔藪勞官軍何不奮身備行列疆場血戰求功勛死綏死
賊得死所械鬥鬥死何冤苦官長教令聞不聞各保身家和
四隣

聯袂輕生

順德縣處女多訂爲異姓姊妹少者數人多者十餘人或

相約不嫁或依次而嫁或同日嫁或共嫁一人一女見梗
則衆女死之官按其事謂之聯袂輕生一歲多有

姊妹生不同耶孃十人五人盟寸香同心共命過夫婦冷暖
不肯私衣裳相誓不嫁嫁亦異或同時日共夫壻天地鬼神
同鑒之耶孃可背盟難欺深院重簾春悄悄姊妹歡多愁怨
少雲間時見青鳥飛私情密事誰能曉三月天桃花灼灼家
家屏風畫孔雀可憐姊妹聞媒來聯袂翩翩死香閣生爲姊
妹花叢蕊嬌春華死化姊妹鳥羣飛墳上草但見嬌鳥一雌
隨一雄那見百花共蒂同時紅世間兒女爲情死龍江女兒
乃有此

斷腸草

斷腸草一名胡蔓草形如阿魏葉長尖條蔓生近人則葉

動如歡喜狀人食之卽腸斷以死粵人多以此輕生急以生羊血或金汁灌之可解此草諸郡皆生有司歲課民除棄之

斷腸草生炎荒炎荒地德何其涼不產靈草益人壽生此毒草斷人腸見人搖動意歡喜使人爲汝斷腸死疑有鬼物憑爲妖不然狡獪那如此粵人輕生比塵土刎喉絕脰不勝數此草殺人尤如麻地下應知斷腸苦吁嗟乎窮愁怨恨寧汝獨何爲甘心殉草木匪草之毒汝自毒汝腸已斷誰能續父母生汝願汝長壽考勸汝莫食斷腸草

鴉片烟

粵人做法多食鴉片烟或曰媚藥或曰非也久之且斷人道食至數月遂不可輟每日皆有定候名曰上引必枯槁

不壽矣

鴉片煙來自西洋船濃於膠漆壽於酖一九價值千銅錢得錢不惜買鴉片但云服之體輕健彭祖祕術不足羨牀頭一燈光熒熒兩人長枕同橫陳竹管製作卜字形管穴中容烟一粒一粒一人相遞吸吸烟人如蟄蟲蟄日日吸之時弗失飯必甘肥飲釀汁勞力勞心無不可仿佛丹砂燒伏火少年那待老見侵面目枯黧形孿跛雖有盧扁焉能醫囊橐已空身命危畫長宵永臥敗絮鼻觸烟香涎尚垂嗚呼殺人之物人爭惑利重民貪禁不得

十三行

海賈列肆在廣州城外稱其地曰十三行昔本十三家今存數家耳

粵東十三家洋行家家金珠論斗量樓閣粉白旗竿長樓牕
懸鏡望重洋荷蘭呂宋英吉利其人深目而高鼻織皮卉服
競珍異海上每歲占風至

天子神聖海內足不貴遠物遠人服萬國梯航奉職貢八荒
舞蹈稱臣僕此非外藩非內附互市常來澳門住魚目換將
南海珠木蠹苜蝗復誰悟昔時勾致由貪民大舶滿載波斯
銀豈知番人更狡詐洋貨日貴洋行貧圈鹿關牛豈足載海
市蜃樓多變態南山白物見無時蕩盡私囊欠官債

摸魚歌

按廣東雜記云粵俗好歌其歌之長調者如唐人連昌宮
詞琵琶行等至數百千言以三絃合之每空中絃以起止
蓋太簇調也名曰摸魚歌今廣州所唱皆首詞老嫗導盲

女夜中沿街唱之亦娼妓之屬

珠江潮水無清波盲女能唱摸魚歌繁音促節那可聽鶯歌
乃比雍門娥苦無金篋刮眼膜何曾對鏡自梳掠青春不嫁
弄湖兒身世生涯寄絃索飛鳥已棲譙鼓鳴手扶老嫗肩背
行街長巷曲是何處幾家燈火門將扃門外人呼盲女止一
歌再歌歌不已三絃嘈切檀板急市人拍手主人喜可憐摸
魚歌不訴中心悲不是薄命詞殘花落溷弄餘姿聲聲猶說
長相思

題友人春郊遊牧圖

刷燕抹越日千里世間俊物那有此君今癖似支道林前身
或是寒風子櫛總絡頭金障泥看花何處遊霜蹄莫遣龍媒
臥春草章臺柳色垂垂好

種花

庶卉無異姿妙氣獨花有
斲土培芳根春事庶長久
稍補新篁缺頓形老樹醜
及時勤灌溉會復媚牕牖
萬物難自榮造化寄人手

柳絮

柳絮多情撲面斜東風吹去入誰家
便須墮在珠簾裏莫更隨波伴落花

初夏寫懷六首

三月雨中盡飛花點綠苔
蜨猶尋夢到鶯不喚春回
冷眼看棋局仲眉對酒杯
荔支應漸熟已見賣楊梅

樸樹當虛牖榕根上古牆
地偏花鳥鬧天暝水雲涼
梅雨晴猶漚荷風曉更香
潮州四月已如此尋詩偶又手不覺到前廊

睡起人猶倦眠芊草滿除花鬢黃似染石髮翠堪梳塵翳磨
殘墨風翻讀過書不知肥遯客幽事更何如

落日當城缺干林倦鳥歸亂烟拖竹靜新月帶星稀欄短蜘蛛
出亭空蝙蝠飛暮寒生木末小坐要添衣

片雲如阜蓋頃刻覆全城大樹添風勢飛泉助雨聲鳧翁浮
水唼鳩婦繞林鳴忽見長虹挂東山一半晴

獨坐每多憶孤懷誰與期醉仍邀月飲愁反畏花知曲奏水
仙引騷吟山鬼祠亂蛙鳴閣閣正是打更時

陪果泉觀察攜諸子登西湖山觀稼兒子少華亦從

西湖山頭炎景和西湖山下農民歌稻苗麥穗綠無際與水
一色生微波田有嘉禾倉有粟海濱民稠土亦沃昨宵雨足
山氣濃紅白花開滿巖谷使者重農觀稼來兼攜羣季臨高

臺今日同遊風景地他時勉爲霖雨才癡兒不辨琅邪稻也
分筆札弄詞藻可知湖水匯靈泉須學農夫去荒草蠟雲襪
履風吹衣十年心事每相違課耕頗憶東郊好杜宇啼時布
穀飛

海陽縣齋漫興

時爲劉明府閱試卷

飯罷寒簾望煩襟偶一欣乍晴松滴雨將午竹生雲閒趣我
才領低吟人未聞還將幽獨感傳寫向桐君

自韓江往東隴

隴海縣

洞溪急水二壩兩壩危五里十里山欲飛輕舟乘夜到東隴

人語雜暹明星稀一派溪流接海兩朦朧烟樹對樓櫓聞道

鯨鯢將鼓潮看試三千水庫終

時觀察方備海盜

從果泉觀察之廣州八月九日道出惠州伊墨卿太

守招飲郡齋時萬和圃學使按試潮州亦會於此卽
席得句呈墨卿兼奉二公

使君新作西湖長野客重爲南海遊座上簪纓皆舊雨別來
書劍在扁舟晴山帶霧排牕入秋漲浮烟拍岸流一片近期
端正月無緣同看合江樓

廣州中秋同果泉觀察小飲已而廉鎮吳曇繡先生
亦至

三年三處度中秋又附仙楂到海頭元獻見詩方命酒庾公
乘興亦登樓平生未解梯雲術此夜常爲踏月遊不有清談
兼雅酌一身何地免羈愁

看鷹

少年左臂立蒼鷹掠地摩天識爾能毛羽豈由人剪拂雲霄

只自懶飛騰下韉免共鴉爭樹斂翅羞同雁避矰金距星眸
須一用會看聳翻墮神鵬

九日擬遊白雲山不果登歌舞岡而還成三十二韻

十載龍沙客登高半異鄉傲居隣九曜佳節又重陽滕閣江
烟渺梅關驛路長旅懷虛壯浪秋色遠蒼茫秀出白雲嶺雄
蟠朱鳥方水簾塵壙外丹竈斗牛旁蒲澗草應綠菊湖花正
黃同誰鬥腰脚使我豁肝腸旣阻林泉興聊登歌舞岡山名
更佛號越秀山俗呼觀音山官址壓城隍弔古悲秦尉稱尊逼漢皇地
收甌脫棄才較夥頤強冠帶疎中國封圻大夜郎禁垣鐘鼓
沸春殿綺羅香富貴情何極吞并志未忘書生胸有甲流辨
舌如簧坐奪英雄氣終修職貢常赤輸烽火樹紅獻荔支筐
恥作降王長翻由孺子亡兵權歸后羿國禍構哀姜橫浦樓

船下高邱輦路荒玉鈎無處問金印復誰藏大海連衣帶羣
峰插劍鏃此邦多草澤異代幾滄桑乘便皆倉鼠違天卽檻
羊未容邊馬牧安論寇弧張漁唱哀龍戶潮音感象王仙塵
俱寂寞身世自悲涼史事擣蒲局生涯傀儡場功名羞草草
歲月去堂堂雲已冠纓似風仍船趁狂浪遊合歸去休計橐
中裝

巢松贈詩未及養生之術以僕素羸病欲進而壽之
也依韻荅其意

大地羣碎遊絕海衆真會茆龍戲八表鴨桃種千歲我如項
曼都無計出埃壘赤鯉鱗未全青鳥羽中鍛昔夢遊帝居羣
仙得傾蓋罡風吹化裾靈雲拂大旆鈞天聽未終羲娥已嬾
代若飲中山酒兀兀至今醉雖記元靈歌已失蒼精佩靈椿

足春秋朝菌委朝晦以茲振塵裾逝欲破氛靄汗漫騰九垓
虛空失倚賴未知水在瓶空作雲出塞何日昆侖邱手摘琪
花戴高闕射短眸弱水限衣帶與君香火緣一家合沆瀣心
知玉局仙前身或五戒洞識三庭精足使萬疾瘥丹元養嬰
姪絳宮熟鼎煎念我山泉蒙講彼麗澤兌誘之學仙道許邁
筮遇泰屈曲自世間昌黎苦詬諱壽欲三光齊秀必五行萃
交梨雜荆棘幽蘭蔽蓬艾焉得西江水爲我浣腸胃長生原
易求身心勿交害餌丹二萬丸不誤倘可再寄言王子喬吹
笙略相待

留謝雲繡先生四十韻

蒙覺招入幕
辭而不往

釣鱸臨韓水騎羊問粵都關山泥印溼歲月漉花徂交最康
侯舊謂張泉貧常鮑叔俱府金曾遺母盤桶且分拏嫁衛裝

重假依劉意愈孚飾車開盛禮掃榻待潛夫伊昔承軒蓋斯

支見楷模餘才驅繡虎博辨走斑狐早占金闈籍榮分朱雀

符五星開貫索一矢佐威弧

公前從制軍勦平粵西逆苗

政暇遊詞苑詩

成寓化樞風謠俱雅樸雲物竝昭蘇肅肅謀梁雁襍襍泛藻

鳧備書勞闕澤爭席恩楊朱驛柳春縈鐙江濤夜撼艫山非

行祕監居少臥遊圖漫握楊雄槩輕操李賀觚清流叨引接

素業轉荒蕪五銜成孤劍千金貴一壺疏才安苑固魚欲忘

江湖散木拳難斲孤蓬直待扶岱宗無讓塊滄海許探珠遂

倒中郎屣將披謝朓襦平生投合慎茲義等閒無祝腎門甘

掃公孫波擬呼雲遊空雀躍井處奈蛙拘念士伸知己惟公

乃諒吾嶺援難棄侶巢燕况將雛

時兒子少華同在潮州

六合同樊籠

三生轉轆轤烟雲頻過眼霜雪漸侵顱杜牧非書記鄭生故

酒徒感恩終一奮懷報豈云殊

聖哲求良弼封疆必碩儒旌竿當畫豹戟架已來烏昭諫期
登第終軍早棄繻衣冠如見縛山澤敢稱癯所慮耗氈鶴仍
爲局促駒東山容鼓瑟南郭定吹竽霜入重陽菊風催十幅
蒲何當尋大隗還與證迷途

南海神廟

四海本一水匯爲百谷王浸天而地軸拘墟名以方坤垠南
最缺元氣通混茫有若畫疆理百二秦關強祝融亦最貴崇
極自有唐有若封功臣異姓同天潢離明位火德兌澤滋炎
荒二曜欲頓轡三神俱望洋

聖朝重禮祀遣祭歲有常秩禮匪虛致能降民福祥極蠅近
拂烈稊穉乾欲痒執事矢誠恪維舟肅冠裳再拜乞靈雨立

潤秋雲黃神其昭盼蠻回歎成豐穰永惟奠南裔實用贊我
皇大哉溟渤內水德何靈長珠貝散文錦鱗介充蔬糧鹽供
萬艘運市通百國商嶺表論財賦半資於海疆爲利信已溥
貪夫趨若狂摧帆蛟蜃窟胥骨福熾梁凡魚據絕島亦欲吞
舟航陰火或延灼驚颺時驟颺靈燿復潮汐陽侯怒愈張晴
明沙汨濶百鳥猶畏翔淚漫旣靡屬蕩瀟難爲防意茲祕怪
樞宜爲神所綱儻能制厥柄勿使洪波爲我遊滄海側每欲
登高望榻來絳宮下讀碑循兩廊尚無一府責未敢陳馨香
頗願無飢溺與衆同歡康俯眺扶胥口呀呶揺天光蠡測溟
擬議恐非意可量焉得乘楂去直至牛斗旁

南海廟銅鼓

南海廟中銅鼓雙非鼓非應形脰肱大出夷冢小潯水先後

裏載依神幢重環縹錦綠斑駁以手試扣聲逢逢光價雖匪
陳倉匹古范亦足弁南邦歲春二月萬人集祀神搗鼓神來
降十里五里訝雷響晴日曛曛方照牕穹龜長魚競出聽海
濤沸湧波羅江頽裂匡摧尚如此想見完質初春擬我聞駢
越貴銅鼓一面價值千牯金銀大釵填滿庭都老豪強勢
如虎九壇七獻祭瓠祖打鬢勸客客酬主木弓鐵鏃牌山弩
出尋仇敵召戎伍此時黃鐵鳴砰鏗龜童跳歌黎女舞亦聞
漢家新息侯淨掃南交立銅柱大開洪冶鎔金精螭蝮欲躍
花紋古可憐考擊墮沙鑼或共瘴骨埋山阿兩鼓何幸遇搜
剔山靈河伯爲護呵肅置靈祠閱千載遊人百輩驚摩挲君
不見赫連金飾久消磨南郡舊器歸誰何雷門雙鷺不可羅
漢宮周廟瘠靈囂炎荒古物尤無多錢杜鍤塢徒差我來

爲作銅鼓歌匪蒐金石資吟哦願歷久遠期無他鼓聲坎坎
神人和

浴日亭用蘇韻

波羅江水浴金天萬里銀濤滙一灣野艇直通龍伯國亂雲
飛入虎門山義和來往供彈指佗龔興亡足破顏聞說滄桑
今古變沙田原在海中間

九月十八日陪果泉觀察祈雨羅浮夜宿華首臺次
日至合掌巖洗衲石而還

華首臺望飛雲峯有如隔簾看冶容洗衲石飲耨池水又如
染指燼鼎中君方作吏我作客三年海上孤唸筇輕舟數過
博羅縣但見碧天雲氣濃月來早魃虐秋稼聽經閒煞三潭
龍黃木灣頭放船下暫因乞雨來花宮憶昨籃輿背瘦日照

眼百里青芙蓉魚鱗細蹙縠紋皺荆關畫手無此工遠勢峩
巖近飛動滄溟積氣浮高空史稱羅浮佐南嶽倘遂可以儕
祝融我於五岳登其一曾見海日懸秦松此山面目特相似
想見絕頂初陽紅異鳥相引至初地僧撞一百八聲鐘月明
照徹萬松翠神鈺隱隱飄天風耳根旣寂眼界淨呼吸欲與
仙靈通夜來夢覺雨無滯不煩解脫求璨公拱手烟霞掉頭
去山靈莫笑遊忽忽五百羅漢結跏處有我兩人雙脚蹤

朝雲墓五首

豐湖秋水綠沄沄羅帶輕拖六幅裙折取芙蓉花一蒂疎風
冷雨弔朝雲

從來名士惜蛾眉况復同心患難時天女解禪先幻化可憐
擇地葬西施

六如亭下繫扁舟，蘭麝千年土一抔。怪底粵東瑩墓志，埋香

不載淑人邱

廣東通志失載

墓門殘碑委烟沙，荒草成窩水一涯。我定報知賢太守

謂伊墨卿

勒銘兼爲種梅花

葬玉深深傍佛堂，芳魂長此禮空王。榴花亦是南來伴，何處青山白骨香。

鵝埠阻雨

隸海豐縣

鵝埠驛中三日宿，羊躄嶺上萬松鳴。奇書穩臥方牀讀，猛雨
凜風亦有情。

登岡

隸揭陽縣

登岡橋下水初澄，兩岸人家欲上燈。照眼明霞都散盡，漁人
猶自未收罾。

題嚴立堂感秋圖

痛結終身慕心憑畫史傳風鳴無葉樹淚盡欲霜天孝烏銜
村鼓神燈照墓田感君明發意爲補白華篇

又題祖皋圖二首

賢母已登列女傳

嚴母事載杭州府志

郎君今賦孤兒行丹青能畫皋

園樹難寫皋魚慟哭聲

平泉松柏臥蒿萊痛是司農舊手栽更有孝孫腸斷處慈烏
啼上越王臺

除夕次果泉觀察韻

早悟南泉弟一機人生如願事應稀好花無用占春信華燭
猶能繼夕暉去日雖多全是夢今年已盡莫思歸聞仙尚有
詩堪祭未必從前結習非